

die iunchfraw kömet zu zwölff iaren. so ist sy zu iren tügen kömen
 Vnd nimbt sy ein man wider iren vatter vnd ander irer freünd
 willen. die ee ist stedt. Hil man es dem iüngling mit glauben. so sol
 er sein alter erzeugen als hie vor geschriben ist. vnd die iunchfraw
 auch als vor ist bescheiden.

¶ Wan ein vatter seinen sün von im besundert.

¶ Der vatter sol seinen sün vö im lündern. so er fünffundzwentzig
 iar alt ist. mit als vil güttes als er geleisten mag. also das im das
 merer teil blibe. Vnd thüt aber er das nit gern. der sün der nötet
 in des mit recht wol vor seinem richter. Vnd hat der vatter auch
 nit mer wan ein kind. er gibt im mit recht mit mer dan vö fünfften
 teil seines güts. Vnd hat er mer kind wan eins. so teilet er im mit
 recht. dz im drey teil bleibent. vnd vö kinden die zweyteil.

¶ Wie hebet sich das edel lehenrecht buch an also.



Er lehenrecht erkennen well der
 volg dises büchs lere. Aller erst
 sullen wir merche das die künig
 habē gesetzet sibe herschilt. Der
 füret der künig den ersten. Die
 sterfürsten den anderē. Die leyē
 fürsten den drittē. Die freyher
 ren den vierden. Die mittel frey
 en den fünfften. Die dienstman
 den sechsten. Die semper leüt vö
 sibenden. Als wenig man weyß
 wen die welt sol zergeen da wir
 yetz innen seind. wan das ist die

sibent welt die da künfftig ist. Also wenig weyß man auch nit vö
 keiner gewisheit ob der sibe herschilt lehe gehabē müg oder nit.
 Die künig habent also gesetz. wer nit vö ritterlicher art ist. mit vö
 sibendē herschilt nichts ze thün habē. der sol auch lehenrecht mā
 geln. Die erst welt hüb sich an abā an. Die ander an noe. Die drit
 te an abraham. Die vierde an moysen. Die fünffte an dauid. Die
 sechste an vnserm herrē ihesu cristo. der yeglich hat geweret bei
 tausent iaren. dz warēt fünfftausent iar. Darnach wart vnser herze
 ihesus xps geborē vö sant maria d ewigē magt. das ist die sechst
 welt da wir innē seyē. vnd wissent nit wan die wirt zer geen. vnd
 wan die sibe künfftig sy. Wan got wolt dz seinē iunger noch nie
 mandt sagen wann die welt ein ende neme. ¶ Priester x eyb vnd